



Inatsisartuni ilaasortat Malik Berthelsen aamma Kim Kielsen, Siumut  
Inatsisartut  
/MAANNI

**Sisimiut avataanni assagiarsunniarnerup matuneqarnera pillugu § 37  
naapertorlugu Naalakkersuisunut apeqquummut nr. 2012-033-imut akissut.**

03. feb 2012  
Sagsnr. 2012-061168  
Dok. Nr. 817647

Inatsisartut suleriaasianni § 37 naapertorlugu Sisimiut avataanni  
assagiarsunniarnerup matuneqarnera pillugu apeqquteqarpusi. Apeqqutit uannit  
akisassanngortinneqarput.

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl www.n-  
anoq.gl

**Naalakkersuisunut apeqqut siulleq**

Sisimiut avataanni assagiarsunniarnerup qanoq sivistigisumik  
matoqqatinneqarissaa assagiarsunniartut naatsorsuutigissavaat?

**Apeqquummut siullermut akissut**

Sisimiut avataanni assagiarsunniarneq 2011-imili matoqqatinneqarpoq,  
tamannalu biologit siunnersuinerannik aallaaveqarpoq. 2012-imut tunngatillugu  
siunnersuinermi takuneqarsinnaavoq tamaani saattuat piffissap ilaanni  
amerliartorsimagaluarsinnarlutik 2009-mili ikiliartulersimasut. 2011-mi pisat  
2008-mut sanilliullugit 84%-imik appariarsimapput. Matoqqatitsinerup  
sivisussusissaa eqqarsaatigalugu apeqqutaalluinnassaaq assagiarsuit qanoq  
amerliartupallatsigissanersut, tamakkulu peqassutsimik misileraasarnissat  
paasinarsitikkumaarpat. Tassa imaappoq aalisarnerup aallarteqqissinnaanissaa  
pillugu aatsaat oqaaseqarsinnaalissaagut siunnersuinerit tullinnguuttut 2012-ip  
naalernerani tigusimalerutsigit. Alaskami Canadamilu misilittakkat takutippaat  
assagiarsuit nunguussavillugit aalisarneqarsimasut ukiut qulit  
amerlanerusulluunniit ingerlanerani aatsaat amerlassusigisimasamissut  
amerlassuseqaleqqittartut.

**Naalakkersuisunut apeqqutip aappaa**

Assagiarsunniutinik angallataatillit assagiarsunniappaajunnaaqqanerminni  
sunik allanik aningaasarsiorfissaannik Naalakkersuisut  
neqoroortissaqarnerlutik?

**Apeqqutip aappaannut akissut**

Apeqquteqartut apeqqutiminnut tunngavilersuutiminni oqaatigaat sinerissap  
qanittuani assagiarsunniarneq matuneqarsimasoq. Tamanna eqqunngilaq.  
Aqutsisoqarfimmut Sisimiunut tunngatillugu sinerissap qanittuani 2012-imi  
pisassiissutit 300 tons-iupput. Taamaattumik sinerissap qanittuani  
assagiarsunniarsinnaanissamut akuersissummik peqaraanni  
assagiarsunniarsinnaanissaaq periarfissaqarpoq. Tamatuma saniatigut soorlu  
sinerissap qanittuani 15.000 tons-inik sarullittassiissoqarpoq. Taamaattumik

naliliinera malillugu taavani aalisakkanik allanik aalisarsinnaanissamut  
aningsarsiorsinnaanissamullu suli periarfissaqarpoq.

Inussiarnersumik inuulluaqqusillunga

Ane Hansen